

廣

疏

離

證

光緒五年九月
淮南書局重刊

小學有形有音有義三者互相求舉一可得其二有古形有今形有古音有今音有古義有今義六者互相求舉一可得其五古今者不定之名也三代爲古則漢爲今漢魏晉爲古則唐宋以下爲今聖人之制字有義而後有音有音而後有形學者之考字因形以得其音因音以得其義治經莫重於得義得義莫切於得音周官六書指事象形形聲會意四者形也轉注假借二者馭形者也音與義也三代小學之書不傳今之存者形書說文爲之首玉篇以下次之音書廣韻爲之首集韻以下次之義書爾雅爲之首方言釋名廣雅以下次之爾雅

雅方言釋名廣雅者轉注假借之條目也義屬於形是爲轉注義屬於聲是爲假借稚讓爲魏博士作廣雅蓋魏以前經傳謠俗之形音義彙粹於是不孰於古形古音古義則其說之存者無由甄綜其說之已亾者無由比例推測形失則謂說文之外字皆可廢音失則惑於字母七音猶治絲棼之義失則梏於說文所說之本義而廢其假借又或言假借而昧其古音是皆無與於小學者也懷祖氏能以三者互求以六者互求尤能以古音得經義蓋天下一人而已矣假廣雅以證其所得其注之精粹再有子雲必能知之設以是質於懷祖氏竝

質諸天下後世言小學者乾隆辛亥八月金壇段玉裁
序

禮記正義卷之五

觀於政其可乎孔子曰爾雅以觀於古足以辯言矣大戴

禮盧辯注云爾近也謂依於雅頌孔子曰詩可以言可以怨邇之事父遠之事君多識鳥獸草木之名也是盧

氏不以爾雅為書名案彼文云循弦以觀於樂春秋元

爾雅以觀於古謂循乎弦爾乎雅也盧說為長

命包言子夏問夫子作春秋不以初哉首基為始何春秋

元命包春秋識也後漢張衡以為漢世虛偽之徒所作張衡傳載之詳矣云作春秋不以初哉首基為始者當

是釋春秋元年之義公羊傳云元年者何君之始年也爾雅云初哉首基元始也春秋不以初哉首基等字為

始而獨以元為是以知周公所造也率斯以降超絕六

國越踰秦楚各本作越秦踰楚爾雅疏引作越踰秦楚案超絕越踰相對為文疏所引者是也今

據以爰暨帝劉魯人叔孫通撰置禮記文不違古後漢書曹

褒傳有班固所上叔

今俗所傳三篇爾雅或言仲尼所

孫通漢儀十二篇

增或言子夏所益或言叔孫通所補或言邾郡梁文所

考

陸德明經典釋文敘錄云釋詁一篇蓋周公所作釋言以下或言仲尼所增子夏所足叔孫通所益梁文

所補張揖論之詳矣邵氏二雲曰漢書藝文志爾雅三卷二十篇張揖謂周公箸爾雅一篇今所傳三篇爲後人增補是張揖所謂篇卽漢書所謂卷猶云周公所作祇一卷後人增補乃有三卷耳陸氏乃以周公所作爲二十篇之一始考之不審以致斯誤邾各本譌作制今據說文訂正考爾雅疏引作箸疑本作箸譌作者又譌作者也直齋書錄解題引皆解家所說先師口傳旣無此作者則南宋本已譌

正諛聖人所言是故疑不能明也夫爾雅之爲書也文約而義固其隲道也精研而無誤真七經之檢度學問

之階路儒林之楷素也

鄭注士喪禮云形法定爲素

若其包羅天地

綱紀人事權揆制度發百家之訓詁未能悉備也臣揖

體質蒙蔽學淺詞頑言無足取竊以所識擇擇羣藝

說文

云揮揆也

文同義異音轉失讀八方殊語庶物易名不在爾

雅者詳錄品覈以箸于篇

說文云覈實也

凡萬八千一百五十

文

今本廣雅凡萬六千九百一十三文刪衍文九十六補脫文五百九其文萬七千三百二十六較表內原

數少八百二十四

分爲上中下以頌方徠俊哲洪秀偉彥之倫

扣其兩端摘其過謬令得用譖

說文云譖知也

亦所企想也臣

揖誠惶誠恐頓首頓首死罪死罪

廣雅疏證卷第一上

高郵王念孫學

釋詁

古籒先創方作造朔萌芽本根槩鼃華昌孟鼻業始也

作者魯頌駟篇思馬斯作毛傳云作始也作之言乍也乍亦始也皋陶謨烝民乃粒萬邦作乂作與乃相對成文言烝民乃粒萬邦始乂也禹貢萊夷作牧言萊夷水退始放牧也沱潛既道雲夢土作乂作與既相對成文言沱潛之水既道雲夢之土始乂也夏本紀皆以爲字代之於文義稍疏矣造者高誘注呂氏春秋大樂篇云造始也孟子萬章篇引伊訓云天誅造攻自牧宮朔者禮運云皆從其初皆從其朔槩與萌芽同義盤庚云若顛木之有由槩芽米謂之槩災始生謂之孽義竝與槩同鼃華者方言鼃律始也律與華通說文犀始閒也从戶聿聿亦始也聲與華近而義同凡事之始卽爲事之法故始謂之方亦謂之

律法謂之律亦謂之方矣昌讀爲倡和之倡王逸注九章云倡始也周官樂師教愷歌遂倡之鄭注云故書倡爲昌是昌與倡通鼻之言自也說文自始也讀若鼻今俗以始生子爲鼻子是方言鼻始也畢之初生謂之鼻人之初生謂之首莊子天地篇誰其比憂比司馬彪本作鼻云始也漢書揚雄傳或鼻祖於汾隅劉德注亦云鼻始也業與基同義故亦訓爲始齊語擇其善者而業用之韋昭注云業猶創也史記太史公自序云項梁業之子羽接之

也
乾官元首主上伯子男卿大夫令長龍嫡郎將日正君

乾者說卦傳云乾爲君官各本譌作宮惟影宋本不譌官與長同義故皆訓爲君伯子男卿大夫者爾雅王公侯君也公侯而下則爲伯子男及卿大夫之有地者喪服云公士大夫之衆臣爲其君傳曰君謂有地者也令者呂氏春秋去私篇南陽有令高誘注云令君也長者周語古之長民者韋昭注云長猶君也

龍者賈子容經篇云龍也者人主之譬也嫡者妻服
妾爲女君鄭注云女君君適妻也適與嫡通歸妹六
五云其君之袂不如其娣之袂良君亦謂嫡也郎之
言良也少儀負良綏鄭注云良綏君綏也良與郎聲
之侈弇耳猶古者婦稱夫曰良而今謂之郎也將讀
將帥之將呂氏春秋執一篇注云將主也日者祭法
王宮祭日也注云王宮日壇也王君也日稱君正者
爾雅正長也楚語武丁於是作書曰以余正四方余
恐德之不類

道天地王皇豐敎博殷粗兄兪沛拓齡衍臨巨佳方夸
匪凱般張覺封樊太賢胡廐廣旁奄勛朴魁訐沈岑
夤誦禪顙顙顙麤敦芋綢袞類萬觶駮都大也 浩漒

道天地王皇者老子云有物混成先天地生吾不知
其名字之曰道強爲之名曰大故道大天大地大王
亦大域中有四大而王居其一焉爾雅釋詁疏引尸
子廣澤篇云天帝皇后辟公皆大也說文天顙也至

高無上從一大是天與大同義孟子滕文公篇引書云惟臣附于大邑周多士云肆子敢求爾于天邑商天邑猶大邑也禮謂大父爲士父是王與大亦同義豐通作豐豐彖傳云豐大也說文豐大屋也斂者說文恢大也襄四年左傳云用不恢于夏家文十五年公羊傳云郛者何恢郭也恢與斂通殷者魯大記主人具殷奠之禮鄭注云殷猶大也莊子秋水篇云夫精小之微也埤大之殷也微亦小也殷亦大也山木篇云翼殷不逝目大不覩楚辭九歎帶隱虹之逶蛇王逸注云隱大也隱與殷聲近而義同粗曹憲音在戶反管子水地篇云非特知於麤粗也察於微眇春秋繁露俞序篇云始於麤粗終於精微論衡正說篇云略正題目麤粗之說以照篇中微妙之文粗字亦作麤說文麤角長兒從角升聲讀若麤麤淮南子汜論訓云風氣者陰陽麤麤者也漢書藝文志云庶得麤麤隱元年公羊傳注云用心尚麤麤晏子春秋問篇云縵密不能麤麤苴學者訓論衡量知篇云夫竹木麤苴之物也竝與麤粗同麤倉胡反粗在戶反二字義同而音異故廣雅以麤粗竝列管子晏子淮南子春秋繁露漢書論衡諸書皆以麤粗連文後人亂之

久矣、兄者、釋名、兄、荒也、荒、大也、故青徐人謂兄爲荒也、荒、通作荒、晉語云、在周頌曰、天作高山、大王荒之、荒、大之也、說文、荒、水廣也、引泰九二、包荒、用馮河、今本作荒、沛者、文十四年公羊傳云、力沛、若有餘、漢書五行志云、沛然自大、拓之言碩大也、拓、曹憲音託、各本譌作拓、惟影宋本不譌、說文繫傳引字書云、拓、張衣、令大也、玉篇、拓、廣大也、太元元瑩云、天地開闢、宇宙拓坦、漢白石神君碑云、開拓舊兆、文選、魏都賦、注引倉頡篇云、斥大也、莊子、田子方篇、揮斥八極、李軌音託、漢書楊雄傳云、拓迹開統、拓、斥、竝與拓通、魯頌閟宮篇、松栢有易、毛傳云、易、大貌、徐邈音託、義亦與拓同、齡者、表記、君子不矜而莊、鄭注云、矜、謂自尊大也、僖九年、公羊傳、矜之者何、猶曰、莫若我也、何休注云、色自美、大之貌、矜、與齡通、齡、曹憲音矜、各本齡字竝譌、作猶、集韻類篇、猶、居陵切、引廣雅、猶、衍、大也、則宋時廣雅本已譌、作猶、案字從鹵聲者、不得有矜音、故說文、玉篇、廣韻、皆無猶字、爾雅、矜、苦也、釋文、作齡、廣雅、齡、哀也、是矜、齡、古多通用、今據以訂正、衍者、楚辭、天問、其衍幾何、王逸注云、衍、廣大也、漢書、郊祀志、德星昭衍、顏師古注云、衍、大也、臨者、序卦傳云、臨者

大也、靈樞經通天篇云、太陰之人、其狀臨臨然、長大、文十八年左傳、高陽氏有才子八人、蒼舒、隤、攷、檮、戡、大臨、虓降、庭堅、仲容、叔達、自庭堅以上、皆以二字爲名、爾雅、虓、洪、大也、洪與降、古同聲、大臨、虓降、或皆取廣大之義、與臨之言隆也、說文、隆、豐大也、隆與臨、古亦同聲、故大雅、皇矣篇、與爾臨衝、韓詩作隆衝、漢書地理志、隆慮、荀子、疆國篇、作臨慮矣、佳者、善之大也、中山策、佳麗人之所出、高誘注云、佳、大、麗、美也、大雅桑柔、箋云、善猶大也、故善謂之佳、亦謂之介、大謂之介、介亦謂之佳、佳介、語之轉耳、方者、堯典云、其工方鳩倂功、湯湯、洪水方割、皆大之義也、晉語、今晉國之方、韋昭注云、方、大也、夸者、說文、夸、奢也、從大、于聲、方言于、大也、夸、訐、芋、竝從于聲、其義同也、凱者、呂氏春秋不屈篇云、詩曰、愷悌君子、愷者、大也、悌者、長也、愷與凱通、般者、方言、般、大也、郭璞音盤桓之盤、大學、心廣體胖、鄭注云、胖、猶大也、士冠禮注云、弁名出於槃、槃、大也、言所以自光大也、槃、胖、竝與般通、說文、槃、覆衣大巾也、輦、大帶也、訟上九、或錫之輦、帶、馬融注云、輦、大也、文選、嘯賦、注引聲類云、輦、大石也、義竝與般同、說文、伴、大兒、伴與般亦聲、近義同、凡人憂則氣斂、樂

則氣舒故樂謂之般亦謂之凱大謂之凱亦謂之般
義相因也覺者小雅斯干篇有覺其楹毛傳云有覺
言高大也緇衣引詩有桔德行鄭注云桔大也直也
桔與覺通封之言豐也商頌殷武傳云封大也堯典
云封十有二山封墳語之轉故大謂之封亦謂之墳
豕謂之墳亦謂之封豕亦大也樊者說文棄大也从
大弗聲玉篇作樊周頌敬之篇佛時仔肩毛傳云佛
大也佛與樊通爾雅緇綽也孫炎以爲大索緇衣王
言如絲其出如綸王言如綸其出如綽鄭注云言言
出彌大義與樊同也爾雅廢大也郭璞引小雅四月
篇廢爲殘賊廢與樊亦聲近義同太者白虎通義云
十二月律謂之大呂何大者大也正月律謂之太族
何太亦大也賢亦善之大也白虎通義引禮別名記
云千人曰英倍英曰賢考工記輪人五分其轂之長
去一以爲賢去三以爲軹鄭衆注云賢大穿軹小穿
說文賢大兒讀若賢又云賢大目也義竝與賢同胡
者逸周書謚法解云胡太也僖二十二年左傳雖及
胡者杜預注云胡者元老之稱說文湖大陂也爾雅
壺棗郭璞注云今江東呼棗大而銳上者爲壺方言
蠡大而蜜者燕趙之間謂之壺蠡義竝與胡同賈子

容經篇云、祐大福也、祐與胡亦聲近、義同、廢通作侈、說文、廢廣也、鄭注雜記云、侈猶大也、旁者、廣之大也、說文、旁溥也、爾雅、溥大也、逸周書、大匡解云、旁匡於衆、無敢有違、旁匡、即大匡也、旁與方古聲、義並同、奄者、說文、奄大有餘也、從大申、申展也、大雅、皇矣篇、奄有四方、毛傳云、奄大也、說文、俺大也、俺與奄亦聲近、義同、大則無所不覆、無所不有、故大謂之懽、亦謂之奄、覆謂之奄、亦謂之懽、有謂之懽、亦謂之奄、奄、矜憐謂之撫、掩義並相因也、朴者、楚辭、天問、焉得夫朴牛、王逸注云、朴大也、九章、材朴委積兮、注云、條直爲材、壯大爲朴、魁者、呂氏春秋、勸學篇、不疾學而能爲魁士、名人者、未之嘗有也、高誘注云、魁大之士、名德之人、史記、孟嘗君傳云、始以薛公爲魁然也、今視之、乃眇小丈夫耳、託與下芋字同、爾雅、託大也、方言云、中齊西楚之間曰託、又云、芋大也、郭璞注云、芋猶託耳、大雅、生民篇、寔覃寔託、小雅、斯干篇、君子攸芋、毛傳並云、大也、凡字訓已見爾雅、而此復載入者、蓋偶未檢也、後皆放此、芋又音王、遇反、其義亦爲大、說文云、芋、大葉實根、駭人、故謂之芋、是也、沈、讀若覃、方言、沈大也、漢書、陳勝傳、夥涉之爲、王沈、沈者、應劭

注云、沈沈、宮室深邃之貌也、音長含反、張衡西京賦云、大廈耽耽、玉篇譚大也、譚耽、竝與沈通、岑、夤者、方言、岑、夤、大也、淮南子地形訓、九州之外、乃有八夤、高誘注云、夤、猶遠也、遠亦大也、誦者、說文、誦、大也、玉篇、湧、古切、義與溥通、譚者、說文、譚、富譚、譚兒、從奢、單聲、玉篇、丁可充者、二切、云、大寬也、說文、𡗗、張口也、小雅、巷伯篇、哆兮侈兮、毛傳云、哆、大貌、釋文、昌者反、義與譚同、顧者、玉篇、顧、大頭也、顧者、說文、顧、大頭也、讀若魁、魁者、廣韻、魁、大頭也、莊子、大宗師篇、其顙顙、向秀本作顙、注云、顙、然大朴貌、顙、魁、古竝同聲、敦者、方言、言、敦、大也、陳鄭之閒、曰敦、爾雅、大歲在午曰敦、牂、孫炎注云、敦、盛牂壯也、是大之義也、敦、又音徒昆反、其義亦爲大、漢書、敦煌郡、應劭注云、敦、大也、煌、盛也、周語、敦、厯純固、韋注云、敦、厚也、厯、大也、商頌、長發傳云、厯、厚也、墨子、經篇云、厚有所大也、厚與大同義、故厚謂之敦、亦謂之厯、大謂之厯、亦謂之敦矣、哀之言、渾也、曹大家注、幽通賦云、渾、大也、後漢書、馮緄字鴻卿、緄與哀通、說文、論、目大也、爾雅、百羽謂之緄、釋文引埤倉云、緄、大束也、玉篇、鯨、大魚也、論、緄、鯨、竝音、古本反、義與哀同也、顙者、玉篇、引倉頡篇云、顙、頭大也、說